



Broj: 01-04-8-502/24-7
Datum: 13.6.2024. godine

Na osnovu člana 70. stav (3) i (6) i člana 72. stav (3) tačka a) Zakona o javnim nabavkama BiH („Službeni glasnik BiH“, broj 39/14 i 59/22), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-502/24-3 od 3.6.2024. godine, načelnik Općine Travnik, d o n o s i

RJEŠENJE

o dodjeli ugovora drugorangiranom ponuđaču

1. Poništava se Rješenje o izboru najpovoljnijeg ponuđača za nabavku radova: "Izvođenje radova na sanaciji i uređenju objekata za sport na području Općine Travnik" za **LOT 1 - Izvođenje radova na uređenju sportskog terena u Mehuriću** broj: 01-04-8-502/24-5 od 3.6.2024. godine, kojim se ugovor o javnoj nabavci radova dodijelio ponuđaču „Adžić Asfalt“ d.o.o. Žepče.
2. Prihvata se preporuka Komisije za javne nabavke broj: 01-04-8-502/24-6 od 13.6.2024. godine i ugovor o javnoj nabavci radova za **LOT 1 - Izvođenje radova na uređenju sportskog terena u Mehuriću** dodjeljuje drugorangiranom ponuđaču IGM „IUT Haskić“ d.o.o. Vitez, čija ukupna cijena ponude iznosi 15.450,00 KM bez uračunatog PDV-a iz razloga što je u otvorenom postupku javne nabavke cijena navedenog ponuđača, po rang listi odmah nakon ponude najuspješnijeg ponuđača „Adžić Asfalt“ d.o.o. Žepče.
3. Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.
4. Ovo Rješenje objaviće se na web stranici ugovornog organa (www.opcinatravnik.com.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Nakon provedenog otvorenog postupka za nabavku radova: "Izvođenje radova na sanaciji i uređenju objekata za sport na području Općine Travnik", sa podjelom na dva lota, objavljene na Portalu javnih nabavki BiH pod brojem 54-1-3-57-3-67/24 od 30.4.2024. godine i u „Službenom glasniku BiH“ broj 30/24 od 30.4.2024. godine.

Nakon provedene e - Aukcije, Komisija za javne nabavke je izvršila rangiranje prihvatljivih ponuda ponuđača za **LOT 1 - Izvođenje radova na uređenju sportskog terena u Mehuriću**, prema kriteriju najniža cijena na sljedeći način:

LOT 1 - Izvođenje radova na uređenju sportskog terena u Mehuriću

NAZIV PONUĐAČA	Početna cijena ponude u KM	Cijena ponude nakon e – aukcije u KM	Postotak umanjenja	RANG
„Adžić Asfalt“ d.o.o. Žepče	17.048,97	15.400,00	9,67 %**	1
IGM „IUT Haskić“ d.o.o. Vitez	17.088,43	15.450,00	9,59 %**	2

Na preporuku Komisije za javne nabavke broj 01-04-8-502/24-3 od 3.6.2024. godine doneseno je Rješenje broj: 01-04-8-502/24-4 od 3.6.2024. godine kojim je za LOT 1 izabran ponuđač „Adžić Asfalt“ d.o.o. Žepče.

U Zapisniku o pregledu i ocjeni ponuda, (kao i u Tenderskoj dokumentaciji) utvrđeno je da izabrani ponuđač „Adžić Asfalt“ d.o.o. Žepče dužan na adresu ugovornog organa Općina Travnik Konatur bb u roku od 5 (pet) dana od zaprimanja rješenja dostaviti originale ili ovjerene kopije dokaza o

kvalifikaciji, traženih tenderskom dokumentacijom, ne starije od tri mjeseca od dana predaje ponuda, u skladu sa dostavljenom Izjavom ponuđača o ispunjenosti uslova iz člana 45. ZJN BiH.

Uvidom u dokumentaciju predmetnog postupka nabavke utvrđeno je sljedeće činjenično stanje:

- Naprijed navedeno rješenje o izboru najpovoljnijeg ponuđača doneseno je 3.6.2024. godine
- uvidom u dostavnicu utvrđeno je da je uručenje navedenih akata najpovoljnijem ponuđaču izvršeno putem pošte dana 4.6.2024. godine.
- Kako izabrani ponuđač u ostavljenom roku, po prijemu Obavještenja i Rješenja o izboru, nije dostavio traženu dokumentaciju kako je traženo tačkom 3.1.2. Tenderske dokumentacije, a što je bio dužan dostaviti do 10.6.2024. godine, to je prema odredbama člana 72. stav (3) tačka a) ZJN, zbog njegovog propuštanja da dostavi originale ili ovjerene kopije tražene dokumentacije, ugovorni organ dužan ugovor dodijeliti drugorangiranom ponuđaču.

U postupku nabavke robe za lot 1 dostavljene su dvije prihvatljive ponude sačinjene u skladu sa uslovima iz tenderske dokumentacije.

Obzirom da član 72. stav (3) tačka a) ZJN propisuje da u slučaju kada najuspješniji ponuđač propusti dostaviti originale ili ovjerene kopije dokumentacije iz člana 45. u roku kojeg odredi ugovorni organ, ugovorni organ dostavlja prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača, Komisija je dala prijedlog rukovodiocu ugovornog organa da donese rješenje kojim se ugovor za **LOT 1 - Izvođenje radova na uređenju sportskog terena u Mehuriću** dodijeli drugorangiranom ponuđaču IGM „IUT Haskić“ d.o.o. Vitez sa ponuđenom cijenom u iznosu od 15.450,00 KM bez uračunatog PDV-a

Iz gore navedenih razloga, prihvaćena je preporuka Komisije za javne nabavke, te je odlučeno kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur



N A Č E L N I K
dr.sci. Kenan Dautović

DOSTAVLJENO:

- Ponuđačima
- Web stranica UO
- a/a